

# 180: Inzira zawe zose

---

1. Inzira zawe zose  
N'ibikubabaza,  
Bibgir' Imana vuba  
Kw iganz' ivyo mw isi;  
Kand' ijuru n'iryayo,  
Nta hant' itaganza,  
Ntibizoyinanira  
Kugukiza nawe.

2. Kandi ntukiganyire,  
Ngo Mbega nzory' iki?  
Ni murab'utunyoni  
Twama tuguruka;  
Ubgatwo ntitubiba,  
Kandi ntitwimbura,  
Iman' iradutunga;  
Wew' uraturuta.

3. Kandi ntukiganyire,  
Uti Nzambar' iki?  
Rab' ingen' amashurwe  
Aba ku misozi,  
Nta n'igikorw' akora  
Kand' arashajije;  
Iman' irayambika,  
Naw' izokwambika.

4. Ureke kwiganyira.  
Ntibikubereye!  
Abapagani bose  
Biganyira cane.  
Weho ni wih' Imana,  
Uronder' ivyayo,  
Ni ko vya bindi vyose  
Ubiherw' ubuntu.